

B. N. C.  
FIRENZE  
1055  
19





1055 19

DE  
RVNIS  
HELSINGICIS.

AD

VIRVM ILLVST.<sup>M</sup>

D. ANTONIVM  
MAGLIABECHIVM,

S. M. D. HETRVRIAE

BIBLIOTHECARIVM

Toto Orbe Celeberrimum,

EPISTOLA.



ROMÆ, Typis Bernabò. )( M. DC. XCVIII.

SUPERIORVM PERMISSV.

REVISED  
HEBREW

D. ANTONIO

MADE IN ITALY

MADE IN ITALY

MADE IN ITALY

1955

REVISED



MADE IN ITALY

## CELEBERRIME VIR.



V M Florentiæ non ita pridem inter  
 varios sermones antiquæ Helsingorû  
 literaturæ forte mentionem injice-  
 rem, gratum tibi fore significasti, si,  
 qualis sit vetus illa, vel, si mauis, no-  
 ua & Orbi adhuc ignota literatura,  
 simplici narratione paulo fusius tibi exponerem. Quia  
 autem in itineris stabam procinctu, voluntati tuæ tum  
 quidem temporis obedire non potui; nunc autem in  
 alma hac Orbis & Urbium matre quicquam aliquam-  
 nactus, nefas duco tam iusto tuo desiderio vltius de-  
 esse, cum sciam quantum tuo fauori, tuisque meritis,  
 cum publico, tum meo nomine debeam. Sed gratias  
 pro me agam aliàs, nunc de Runis Helsingicis pauca  
 ista accipe, & dum integrum de his tractatum publicæ  
 luci paro, hanc narratiunculam benigna fronte, ea-  
 demque vultus serenitate intueri, qua me in domo  
 tua, illo Apollinis & Musarum palatio, toties beasti.


Helsingia, Regnum quondam, nunc amplissima  
 Sueciæ prouincia ab austro Gestriciam habet affinem,  
 à septentrione Angermanniam & Lappos. Hæc vt  
 Reges olim suos & leges, ita literas quoque & ratio-  
 nem scribendi habuit peculiarem, & ab aliis populis  
 prorsus diuersam. Restant adhuc characteres miri ru-  
 dibus saxis insculpti, qui antiquariorum ingenia mise-

rum in modum hætenus torserunt . IOANNES BV-  
REVS , qui initio hujus seculi primus Suecorum ad il-  
lustrandas patriæ antiquitates animum adjecerat, Ru-  
nas quidem vulgares , & earum veram lectionem è sa-  
xois ligneisque monumentis feliciter admodum restau-  
rauit , Helsingicas autem se non capere ingenue est  
confessus . Post eum OLAVS VERELIVS , & alij  
plures seriò rem tractare aggressi , nihil omiserunt in-  
expertum , quod ad interpretanda antiquissima illa  
monumenta pertinere crederent ; Sed irritò conatu la-  
borarunt omnes . Ante annos xx. & quod excurrit ,  
MAGNVS CELSIVS Matheseos professor Vpsalien-  
sis , & in Regio Antiquitatis Collegio adfessor , natio-  
ne Helsingus , non alio magis officio credidit se testari  
posse , quo in patriam dulcissimam propendebat , amo-  
rem , quam si characteres illius Antiquissimos , & ve-  
tustate fereobliteratos ipsi restitueret . Itaque Helsing-  
iam petit , cippos delineat , literas colligit , & omnia  
tentat , quæ ad abditos earum sensus expiscandos face-  
re visa sunt . Abit annus vnus & alter , dum frustra la-  
borat . Erat illo tempore P. KIRCHERI maxima per  
Europam fama . Huic monumentorum , quæ V. sunt  
omnino , delineationes per amicum mitti curauit , vt  
tanti viri sententiam colligeret , qui communis Oedi-  
pus & arcanorum reuelator turn audiebat . Rescripsit  
Kircherus *falli omnes , qui literas esse putarent , cum sint  
tantum ornamenta nihil signantia , lapidibus à supersti-  
tiosis hominibus incisa , pro noxiis animalibus auerrun-  
candis* . Quod iudicium nescio an sanius sit opinione  
illius , qui dixit ab hominibus sciolis , & qui sibi tantum  
sapere voluerunt , eiusmodi literas esse effectas , & faxis  
manda-



mandatas, ne ab aliis possent intelligi . CELSIUS autem hoc ante omnia tamquam certum sibi proponebat, fuisse olim literas quibusvis intelligibiles, cum stultum fuisset, & rationi minimè consentaneum, inscriptiones, quibus defunctorum memoriæ posteris erant communicandæ, ignoto characterum genere mansuræ in tot secula materiæ, id est, rudibus saxis committere . Post mille autem deinde facta experimenta, literas transponendo, inuertendo, expungendo, rescribendo, cum nihil se proficere videret, constituit rem adeo inuolutam aliis relinquere extricandam, suæque Mathesi & Botanicæ, quibus vnice delectabatur, in posterum vacare. Et iam omiserat, cum animum ejus subiit gentes affines, vt mores & habitum, ita quoque literas vt plurimum habere vel easdè, vel saltè nò toto genere discrepantes . Resumpsit igitur lapides suos ab aliquo tempore intermissos, cæpitque Runas vulgares cum Helsingicis attentius conferre, & repperit facillimo negotio esse easdem, nisi quod vulgares ductum haberent perpendicularen, qui in Helsingicis, vtpote antiquioribus & ideo simplicioribus non conspiciebatur, vt patet ex alfabeto,       ' hic appono .

*Runa Helsingicæ .*




*Runa Vulgares .*



Sunt quidem literæ Helsingicæ XV. Sed reliquæ V. ejus sunt figuræ, vt ductus perpendicularis illis commode addi non possit, ideoque Runarum vetustiorum,  
siue

siue Helsingicarum reformatores, quicunque demum fuerint, pro illis vel peregrinas literas assumerunt, vel novas excogitarunt, ut ex sequentibus literis est manifestum: *ᚠᚢᚦᚢᚱ*. Sed & Runam tandem in Latinum *A* immutarunt, adeo ut hujusmodi hodie occurrat Alphabetum Runicum vulgare in saxis, quæ per Sueciam pæne immenso numero conspiciuntur; item in baculis Runicis, quibus Calendarium perpetuum, inciderant superioribus seculis Sueci.

*Alphabetum Runicum vulgare.*



Alphabetum vulgare, quod scriptis suis inferuerunt IOHANNES & OLAVS Gothi, falsum est, nec eo modo inuenitur in saxis nostris. Neque magis accuratum, quod in eximio Opere de Re Diplomatica affert Cel. MABILLONIUS Gallus. Monumenta Suecana, siue Inscriptiones Runicæ, maximam partem jam sunt delineatæ, & prodibunt breui in lucem cum explicatione luculenta Collegij Antiquitatis Regij. Sequetur fortassis olim tractatus MAGNI CELSII de RVNIS HELSINGICIS, quem imperator noster Auctor decedens reliquit absolendum

Tui Cel.<sup>mi</sup> Nominis

Romæ V. Kal. Maij  
A. M. DC. XCVIII.

Cultori perpetuo  
**OLAO CELSIO,**  
Vps. Sueco.



1055 49

2







